



八旗通志
初集
(31)

新刊
八旗通志
初集

八旗通志初集卷之一百八十五

名臣列傳四十五

鑲黃旗滿洲得諡大臣

阿祿哈

米思翰

馬思喀

馬武

佟國維

殷德

阿爾迪

蘇爾達

海清

德明

正黃旗滿洲得諡大臣

愛星阿

俄忒渾

敖賽

鄂齊爾

巴渾岱

伊桑阿

覺羅吳默訥

阿南達

正白旗滿洲得諡大臣

凱音布

宜禮布

吳達禪

鄂爾多

荆山

齊蘇勒

正紅旗滿洲得諡大臣

覺羅華顯

郭四海

阿祿哈滿洲鑲黃旗人姓博爾濟錦氏原係科爾沁札魯特貝子崇德五年中所屬民人來歸授三等甲喇章京世職順治二年追敘勲舊功績以阿祿哈係

太宗文皇帝眷顧舊臣加世職爲二等七年九年三遇恩詔加至一等阿思哈尼哈番康熙十八年擢領侍衛內大臣尋病卒

賜祭葬如典禮諡勤儉

木思翰滿洲鑲黃旗人父哈什屯見世職名臣傳米思翰生而沉毅辦事勤慎有識力初任三

等侍衛。歷陞一等兼管佐領。康熙三年襲父一等阿思哈尼哈番。又一拖沙喇哈番。六年三月陞內務府總管。七年六月擢禮部侍郎。八年六月陞戶部尚書。清操彌勵。十三年逆藩吳三桂耿精忠反。

王師南征。軍需旁午。米思翰竭力辦理。朝夕不懈。十四年二月以勞瘁卒於官。

聖祖仁皇帝軫恤備至。賜祭葬如典禮。諡曰敏果。子馬思喀歷任平北大將軍。第二子馬齊仕至保和殿大學士二等伯。第三子馬武仕至內大臣。第

四子李榮保襲一等阿思哈尼哈番兼一拖沙喇哈番。仕至察哈爾總管。追封一等公爵。

馬思喀戶部尚書米思翰之長子也。康熙十三年任佐領。十六年授三等侍衛。尋陞二等侍衛。五月陞侍衛壯尼大。十二月陞伊都額真。二十七年四月陞護軍叅領。十月任武備院大臣。二十八年陞鑲黃旗滿洲副都統。三十年任內務府總管。三十四年七月陞領侍衛內大臣。十月特命總管火器營事。三十五年五月從

聖祖仁皇帝征厄魯特。時噶爾丹聞

車駕親征。望風奔遁。

聖祖命馬思哈爲平北大將軍。領輕兵追勦。以追至巴顏烏闌爲止。馬思哈隨奏報於十四日至巴顏烏闌南十五里。遇往哨之喀瓦爾達。携厄魯特降人奔第來言。噶爾丹於特勒爾濟地方。遇大將軍費揚古兵交戰。噶爾丹敗回。我遂逃走。來降等語。臣等今率兵次於額格木爾地方。次日倍道前進。謹將投降奔第解送。旋又奏厄魯特察罕西達里喀同丹巴哈什哈帶百餘人來降。聖祖以噶爾丹雖困憊。尚未勦滅。仍親統六師西征。以

馬思哈等統左翼。公常泰等統右翼。九月。望石衛進發。三十六年正月。肅州副都統阿南達報擒噶爾丹子。遂

命馬思喀爲昭武將軍。先往寧夏。先是

聖祖諭議政大臣等。噶爾丹窘迫。東西逃竄。亦未可定。應發滿洲綠旗兵。至郭多里巴兒哈孫地方。偵探堵禦。著馬思喀與于成龍議奏。三月。馬思喀等議覆。應發西安兵。寧夏兵。京城前鋒兵。帶馬駝子母礮八門。每軍與百日糧。令總督吳赫速運糧到寧夏。備辦牛車三百輛。

詔從所請。閏三月甲午。

特命馬思喀叅贊軍務。四月。噶爾丹仰藥死。大兵始還。都四十二年。三月。任鑲白旗蒙古都統。四十三年六月。以積勞致病。

特遣御醫診視。并賞銀馬。尋卒。

特旨遣皇子等送殯奠酒。

賜祭葬如典禮。諡曰襄貞。立碑墓道。祭文稱其家承開闕。世篤忠貞。具經理之精忠。守樸誠之素志。早膺宿衛。常隨禁近之班。繼副元戎。克懋勛勤之助。掌事權於內府。董將士於羽林。綜核周詳。簡稽嚴密。兼火器。

之鉅任。整飭軍容。仗節鉞於邊陲。馳驅王事。迫乎備
歷都統。茂著勤勞。宸章用錫。異數頻頒。頃因遣疾。纏
綿。暫爲給假。賜尚方之醫藥。遣存問之使臣。方冀有
瘳。何期長逝。深爲軫惻。特沛殊恩。白金文馬。賻賵有
加。命皇子以往臨。諭諸臣以慰送。備稽彝典。易名褒
貞云。

馬武。戶部尚書米思翰第三子也。事

聖祖仁皇帝最久。初侍

禁廷。任一等侍衛。陞鑲白旗滿洲副都統。尋任內
務府總管。陞領侍衛內大臣。雍正四年卒。

世宗憲皇帝恩恤甚盛

賜祭葬如典禮又

特旨加祭贈以伯爵照侯禮葬祭文稱其居心坦白秉性和平早直周廬兼司佐領事我

皇考歷五十年蓋自宿衛禁廷以至扈從清蹕夙夜匪懈左右弗離一心仰體夫

聖衷每事無煩於睿念恪勤久著敬慎可嘉洎朕臨御以來無改虔恭之素方深眷倚忽遭危疴迫維扶抱之售勞不禁傷懷而垂涕屢欲躬親臨視輟於勸阻冉三爰遣親王更偕皇子往宣朕意以慰爾心特申

優卹之鴻施。或冀欣承而痊可。奄徂遽告。軫惻良深。
載考彝章。式頒典醕。五年

賜諡勤恪。立碑墓道。碑文稱其多年宣力。盡職維勤。方
寸自持。視身以恪。考之諡法。爾實攸宜云。

佟國維。漢軍鑲黃旗人。祖籍滿洲。姓佟佳氏。一
等公。佟圖賴次子。初任一等侍衛。扈從勤慎。

聖祖仁皇帝以其爲

孝。康熙太后弟。推

恩委任。授內大臣。康熙十二年冬。逆藩吳三桂反於雲
南。其子吳應熊以額駙居

京師。明年有羣小奉之謀爲不軌。以紅帽爲號。圖
維發其奸奉。

命率侍衛三十人至大佛寺擒其渠魁。事乃已。二十八
年七月。又以其爲。

孝懿皇后父進封一等公。

賜之誥命。言自古帝王撫馭寰區。端賴宮闈之助。惟后
德之賢淑。王化本源繫焉。內治綦重。典禮宜隆。爰攷
歷代冊立中宮。卽推恩所生。錫之封爵。載在典章。其
來舊矣。緬維大行皇后性秉柔嘉。心存恪慎。溥寬仁
而逮下。崇節儉以持躬。奉事。

重聞克抒誠孝。撫育衆子。均被恩勤。乃作配於朕躬。其
永資夫帝教。忽爾崩逝。殊悼朕懷。禮已備乎榮哀。恩
未加於戚畹。內大臣。勿勿。修國。相。乃。大。行。皇。后。之。父。
也。勲舊懿親。忠貞世篤。分助風昭。予。以。公。深。頌。允。贊。
乎巖廊。茲奉

皇太后慈諭。大行皇后誕秀名宗。不彰令範。徽儀遽逝。
悲怛滋殷。思后德之流芳。洵良臣之繼慶。宜加懷秩。
以協典章。朕恪遵。

慈命。特錫殊恩。著封爲一等公。世襲罔替。國維疏辭再

四。

詔不許。始拜。

命二十九年。厄魯特噶爾丹蠢動。

聖祖命將往征。國維同兄國綱並叅贊軍政。八月初一日。率左翼兵。隨撫遠大將軍裕親王福全。至烏爾布通。兄弟矢志滅賊。兄國綱戰歿。國維奮身衝入賊陣。我右翼亦至。遂大敗賊兵。噶爾丹窮蹙乞降。始旋師。尋以賊兵旣敗。不行窮追。部議在事王大臣俱議罪。國維亦罷議政大臣。降四級留任。尋復職。三十五年。以疾致仕。五十八年卒。

聖祖軫念遺大臣治喪

賜祭葬如典禮。諡曰端純。祭文稱其性行純樸。敬慎厥職。云國維性嗜學。通經術。尤精於易。著有公易行世。雍正元年。

特贈太傅。子八人。葉克舒任鑾儀使。隆科多襲公爵。仕至吏部尚書。綠事革職。慶復襲公爵。累官都統。議政大臣。戶刑工三部尚書。靖邊大將軍。領侍衛內大臣。兩江總督。尋調雲南總督。慶泰現任副都統。

殷德滿洲鑲黃旗人。輔政大臣。恪僖公遜必隆。